



Agencija za bankarstvo Federacije Bosne i Hercegovine objavljuje

JAVNI OGLAS za prijem radnika u radni odnos na neodređeno vrijeme

Raspisuje se javni oglas za prijem radnika u radni odnos na radno mjesto:

Stručni suradnik - kontrolor, Odjel za nadzor zaštite korisnika finansijskih usluga, Podružnica Mostar u Agenciji za bankarstvo Federacije Bosne i Hercegovine, 1 (jedan) izvršilac, sa probnim radom u trajanju od 6 mjeseci.

I OPIS POSLOVA

Opis primarnih obaveza i odgovornosti poslova radnog mjesta Stručni suradnik - kontrolor, Odjel za nadzor zaštite korisnika finansijskih usluga, Podružnica Mostar u Agenciji za bankarstvo Federacije Bosne i Hercegovine su:

- a) vrši posredni i neposredni nadzor subjekata bankarskog sistema iz nadležnosti Odjela, što uključuje obimni i ciljani nadzor poslovanja, prezentira nalaze neposrednog nadzora subjektima bankarskog sistema, sačinjava zapisnik o izvršenom nadzoru, odgovara na prigovor na zapisnik i izrađuje rješenje i druge kontrolne i postkontrolne akte, vrši postkontrolni postupak izvršenja naloženih mjera i rokova;
- b) pruža podršku u postupku po prigovorima klijenata pravnih lica na rad subjekata bankarskog sistema u segment zaštite korisnika finansijskih usluga i postupku po zahtjevu žiranata u skladu sa Zakonom o zaštiti žiranata u Federaciji BiH;
- c) redovno informira rukovodioca Odjela o činjenicama utvrđenim nadzorom, te o svim drugim bitnim saznanjima iz nadzora, te vodi evidenciju kontrola u kojima Podružnica pruža podršku;
- d) sudjeluje u poslovima nadzora subjekata bankarskog sistema u kontrolama u kojima Podružnica pruža podršku, što uključuje učešće u: obimnim i ciljanim kontrolama (superviziji) poslovanja subjekata bankarskog sistema, prezentiranju subjektu bankarskog sistema nalaze neposredne kontrole, sačinjavanju zapisnika o izvršenoj kontroli, davanju odgovara subjektima bankarskog sistema na prigovor na zapisnik i izradi rješenja i drugih kontrolnih i postkontrolnih akata, vršenju postkontrolnih postupaka izvršenja naloženih mjera i rokova;
- e) priprema potrebne informacije i podatke za sačinjavanje kvartalnih i godišnjih informacija, kao i informacija i podataka neophodnih za statističke analize iz nadležnosti Odjela, koji se dostavljaju nadležnoj organizacionoj jedinici;
- f) prema potrebama učestvuje u izradi mišljenja na upite subjekata bankarskog sistema i drugih pravnih i fizičkih lica u vezi sa primjenom podzakonskih akata Agencije iz nadležnosti Odjela;
- g) obavlja i druge poslove po nalogu rukovodioca Odjela.

II USLOVI ZA RADNO MJESTO

Pored općih uslova propisanih Zakonom o radu FBiH, kandidati moraju ispunjavati i posebne uslove za zasnivanje radnog odnosa, i to: VII stepen stručne spreme ekonomskog ili pravnog smjera, odnosno visoko obrazovanje Bolonjskog sistema studiranja koje se vrednuje sa 240 ECTS bodova, 2 godine radnog iskustva na istim ili sličnim poslovima i posebna znanja iz oblasti kontrole, aktivno znanje engleskog jezika, poznavanje rada na računaru.

III POTREBNI DOKUMENTI

Kandidati su dužni uz potpisanu prijavu i biografiju sa kontakt podacima, dostaviti ovjerene kopije sljedeće dokumentacije:

- diploma o završenom odgovarajućem obrazovanju,
- dokaz o radnom iskustvu, sa opisom poslova koje kandidat obavlja/ je obavljao kod poslodavca/poslodavaca.

Kandidat koji bude primljen na radno mjesto, prije zasnivanja radnog odnosa dužan će biti dostaviti dokumente potrebne za zasnivanje radnog odnosa u skladu sa internim aktima Agencije, uključujući i ljekarsko uvjerenje o općoj zdravstvenoj/radnoj sposobnosti.

IV NAČIN DOSTAVLJANJA PRIJAVE

Prijava na konkurs sa traženom dokumentacijom može se dostaviti na adresu Agencije za bankarstvo Federacije BiH, ul. Zmaja od Bosne 47 b, 71000 Sarajevo, sa naznakom: „Javni oglas: Stručni suradnik - kontrolor, Odjel za nadzor zaštite korisnika finansijskih usluga, Podružnica Mostar u Agenciji za bankarstvo Federacije Bosne i Hercegovine - ne otvarati“.

Dostavljena dokumentacija se neće vraćati.

V OSTALE NAPOMENE

Kandidati koji ispunjavaju opće i posebne uslove tražene javnim oglasom biti će pozvani na pismeni ispit, a kandidati koji polože pismeni ispit, te uđu u uži izbor, biti će pozvani na usmeni ispit.

Neuredne, nepotpune i neblagovremene prijave se neće uzeti u razmatranje u skladu sa Uredbom o postupku prijema u radni odnos u javnom sektoru u Federaciji Bosne i Hercegovine („Službene novine Federacije BiH“ broj 13/19, 9/21 i 53/21).

Konkurs ostaje otvoren 15 dana od dana objavljivanja

